

" أجازة يا بابا "

: (المسرح .. غرفة نوم وغرفة صالون فى منزل يبدو أنه فى وضع إقتصادى مريح نوعاً ما) .. (جرس الهاتف)

(يخرج أحمد رجل فى الأربعينات .. يرفع سماعة الهاتف .. يبدو من ملابسه أنه على وشك الخروج وهو يربط الكرافت فى عنقه) ..

أحمد : ألو .. أهلاً يا عبدالعزيز .. أيوة أنا أحمد الولاد سافروا .. راحوا يصيفوا .. خلاص أجازة لمدة شهر ح أستريح من الولاد ومشاكل الولاد .. ودوشتهم أرتب أمورى وأستريح هما يسافروا وانا أقعد فى البيت لوحدى .. لا ولد تعبنا ولا بنت تعبانة ولا جمعية ولا دكتور الليلة .. ولا مدرسة ولا مستشفى .. راحة أجازة .. لحد حتمر عليا والأوامر عليك .. هه عندك الشقة عازمهم الليلة .. أنا جاى حالاً .. خمس دقائق وح أكون عندك معلش .. مع السلامة (يتجه إلى الباب الخارجى .. يسمع صوت كلب كفزع يدفع الباب يغلق الباب بسرعة) ...

أحمد : أيه دا .. فى أيه .. إنت جيت منين .. فيه أيه يا حضرة .. إنت مين .. مانا عارف إنك كلب أكيد إنت كلب الجيران .. إبنى إبراهيم قالى الجيران مرؤيين كلب وكان عايز كلب زى حضرتك خليك مؤدب وابعد " بغضب وقوة " ابعد ...

(صوت الكلب ينبح ويتسلق الباب)

أحمد : أيه مالك فى أيه .. زعلت ليه .. أنا أحمد سليمان جاركم .. أيوه .. إنت مش عارفنى .. إبنى إبراهيم شافك وكلمنى عنك وأبوك صاحبى قصدى صاحبك صاحبى

(يضحك بخوف) ...

(الكلب ينبح بشدة)

أحمد : إنته زعلان منه .. خلاص مش ح أصحابه ولا أكلمه إزاي يزعلك ولا تزعل ..
روق إنت بس .. ياما كلاب بتتخناق مع صاحبها وياما أصحابها يسبولها
البيت وياما يسبولهم البيت .. أكيد هو مزعلك .. وإنت سبت البيت ومشيت
زعلان متزعلش .. الأهل بيتخانقوا والصحاب بيتخانقوا .. أنا كمان سفرت
عيالى لوحدهم وقولت أقعد لوحدى إنت وحدانى .. وأنا زيك .. يالا ابعد عنى
...

(الكلب ينبج بشدة) .

أحمد : إسمع إهدى وانا ح أكلمه وأصالحكم على بعض بس خلينى أمر للبيت ..
(يحاول أحمد الخروج من النافذة .. صوت النباح .. عند النافذة) ...
أحمد : الله .. مش إنت عاجبك الباب .. أنا ح أنزل من الشباك وأسبب لك البيت ..
بس سبنى .. أنزل .. يمكن عايز تعيش لوحذك ولا حاجة ...
(الكلب ينبج بقوة) ...

أحمد : أكيد أنا ما بحبش الحيوانات لكن معلش .. دا مش ذنبى أصلى أنا وأنا ..
صغير فى كلب مزعج مريض ... لا ... لا .. مشى زيك ... عضنى فى
رجلى ... أخذتواحد وعشرين إبرة فى بطنى ومن يومها مابتعاملش مع الكلاب
..

(صوت الكلب يقفز على الشباك ثم الباب)

أحمد : أكيد إنت مش عارفنى إنت فاكرنى حرامى أنا مش غريب عن الحى أنا أحمد
سليمان .. جاركم (صوت الكلب يتسلق الباب) ...

أحمد : مش طريقة دى .. يا سيدى ابعد عنى .. أنا عمرى ما انيت حيوانات ...
حتى لما عملوا حملة على الفيران ... أنا مالدتهاش ... أرجوك ... ابعد أنا
عايز أخرج من البيت .. جاى معزوم عند جماعة صحابى يالا روح
لإصحابك وسبنى لصحابى ...

أحمد : هل .. إنت بتفهمنى بسرعة .. إنت ممتاز ..

(يهم يفتح الباب ... الكلب ينبح ويتسلق الباب) ...

أحمد : وبعدين .. دا أنا قلت إننا إتقاهمنا .. العالم ... كله بيتصالح ... إحنا فى زمن الوفاق العالمى مش بتسمع النشرة ...

(يستجمع قواه ويمثل شخصية الشجاعة) ...

أحمد : والله العظيم ثلاثة .. والله العظيم ثلاثة إن ما بعدت عنى وعن البيت ح أضرب تليفون للبوليس وألم الناس عليك وتبقى فضيحة مش لك وبس لصحابك وحيزعل منك وجايز يطردك من البيت والحق نهائى والمشكلة إلى بينكطم تكبر لما تيجى الشرطة وتبقى فضيحة وجايز ياعم يسجنوك ساعتها مش ح أشهد ضدك ... قلت أيه ... ابعده عن هنا أحسن ح أضرب تليفون واحد ... اتنين .. أنا ح أعد لحد ثلاثة .. واحد .. اتنين ...

(ينبح الكلب بشدة ... وهياج حول النافذة) ...

أحمد : لا .. لا .. انا بهزر .. إنت صدقت .. أنا مش ح أضرب تليفون بقى أنا أقدر أقدم شكوى ضدك أوعدك إنى ح أكون محب لكل الحيوانات ... أرجوك ...

أحمد : شفت لا اتكلمت ولا ضربت تليفون للبوليس ولا اشتكيت ولا حاجة ولا ح اشتكيت .. ولا حاجة .. ولا ح اشتكيت لصحابك ولا ح أبلغ البلدية ولا أى حاجة .. بس سبنى أطلع .. أرجوك ... أرجوك كدة ... لو اتصلت بالبوليس احببقى موف صعب .. راجل بيخاف من كلب .. مش ممكن أقولك .. أنا ح أقعد فى البيت وخلص ...

(يخلع الجاكت والكرافتة ويجلس ... يرفع السماعة) ...

أحمد : ألو .. يا عبد العزيز .. أيوة .. أنا أحمد ... بقولك ... أيه فى ضيف جانى وح أضطر أقعد وأجامله مين دا ... من الجيران وأول مرة يجينى اظاهر عنده مشكلة عويصة مع صاحبه وأهله ... معلى إذا مشى بدرى ح أجى ... أكيد ... اطمئن ... مع السلامة ...

(يلاحظ فى الإكسسوار فى الغرفة ... فردة شراب للأطفال حذاء أطفال ملقى
... صورة له هو والأولاد ... صورة للمدام مع الأولاد ... بنطلون كابوى
للطفل الصغير فى الصالة ... صوت عمر بلاى باك ...

أحمد : دا بنطلون عمر إبنى ...

عمر : أنا عايز بنطلون جينز زى مايكل جاكسون وشريط فيديو مايكل جاكسون .
(يضحك أحمد ويلقى بالبنطلون بعيداً .. يجلس على المقعد .. يخلع الحذاء
ويلقى الحذاء بعيداً .. يخلع الجورب يلقي به بعيداً ... يلقي بنظرة بعيداً على
صورة زوجته وهى حامل ..

أحمد : قلت لك كفاية خمس عيال ... خمس عيال كثير يا زينب ...

(صوت زينب بلاى باك) ...

الزوجة : (زينب) يا أحمد دى حاجة بتاعة ربنا ...

(صوت أحمد بلاى باك) ...

أحمد : يا زينب خمس عيال أعرف أراعيهم كويس أخلى بالى منهم ... نراعيهم ...
يهتم بيهم لكن لما تكثر العيال مش حنعرف نراعيهم .. كل ولد حيبقى له
مشكلة ... حياة مختلفة ...

زينب : ماهى كل الناس عندها عشر عيال وعشرين عيل ...

أحمد : (يضع الصورة مكانها) بس انا عايز خمس أولاد علشان أعرف أربيهم
كويس ..

(ينظر بالفوضى الذى بالمنزل) ...

أحمد : كل دى فوضى ... البيت فوضى ... أنا قلت لها تساوى البيت مابحبش
الفوضى ...

(يسمع صوت زوجته بلاى باك) ...

زينب : تفكر إنك حققت شىء فى حياتك ماتطنش إنك عملت حاجة إلا بعد ما
تجوزتنى بقيت موظف كبير ونجحت فى حياتك ...

أحمد : (يتذكر صوته وهو يرد عليها) أنا طول عمرى كبير ... طول عمرى كبير ...
... ليا إسمى ... ووزنى فى السوق وفى المجتمع ...

زينب : (صوت بلاى باك) لا يأستاذ ... فوق لنفسك واعرف إنت أيه ...

أحمد : (صوت أحمد سليمان فى القديم بلاى باك) الإنسان يا زينب سيد المخلوقات
رينا فضله على مخلوقات الكون كلها ... أيوة الإنسان هو إلى يخلق الحضارة
والمدينة وأنا إنسان ... حررت نفسى من الحيوان إلى جوايا من الشر إلى
جوايا ... من كل شىء ضد الإنسان ...

زينب : (صوت بلا باك) ما أفتكش إن الإنسان كدة زى زينب ما بتقول ...
الإنسان ضعيف وخايف وإنت على طول عمرك بتخاف ... بتخاف من
الطموح من المغامرة موظف وفضلت بعيد عن النجاح ...

أحمد : لا ... لا ...

(ينام على المقعد فى حالة إسترخاء) ... لا ... لا... أنا كبير كبير ...
صحيح أنا ماعملتش حاجة ... ماعملتش حاجة ... لكن أقدر أعمل إيدنى
فرصة ... شريفة ... نظيفة نظفوا الشركة من الوسائط والعمولات
حتلاقونى أكبر وأبقى شىء تانى ... لكن الأمين فى الزمن دا ملعون ...
والضمير نايم نايم ...

منى : (صوت بلاى باك) بابا ... بابا ... إنت لسة نايم إصحى إصحى يا بابا)
ينام مرة أخرى) ...

(صوت مظاهرات قديمة) ...

يسقط الإستعمار ... عاشت الجرائد حرة ... الله أكبر والنصر للعرب الله أكبر
والنصر للعرب ... النصر للعرب ...

(يبتسم وهو فى الإسترخاء) ...

أحمد : يا الأحلام القديمة ...

(يفتح التلفزيون حفل راقص لشباب يرقصون الديسكو .. يغلق التلفزيون ..

(

(يفتح الراديو يستمع إلى أغاني ثورية ... يغلق المذياع) ...

أم كلثوم : راجعين بقوة السلام راجعين نحرر الحمام راجعين كما رجع الصباح من بعد ليلة مظلمة ...

(يفتح مجلة) ...

أحمد : أفلام الأسبوع ... إحنا خرمننا التعريف ... المنحرف ... المنحرفة ... المذنب ... المذنبون ... الضياع ... الخوف ... الذئب ... المطارد ... المطاردون ... دى مؤامرة ...

لا يمين نافع ولا شمال نافع ... الحكاية ايه بالظبط ...

(ينظر يفاجأ أن تحت الباب وجد رسالة .. يتجه نحو الباب الرسالة يأخذها) ...

ايه دا ... جواب ... وايه إللى جابوا هنا ...

(يفتح الخطاب) الله دا من مين ... دا جواب داخل جواب ...

عباس : (صوت بلاى باك) عمى العزيز حضرت اليوم ومن أمريكا وأحضرت من إبنك سالم ... ولم أجد أحداً فى المنزل فتركت الخطاب لكم ...

أحمد : (يضحك) عباس صاحب إبنى سالم دا ولد ممتاز ملقانش حط الجواب ... داخل جواب لما أشوف سالم كاتب ايه ...

سالم : (صوت سالم بلاى باك) والدى العزيز والدتى العزيزة ...

أحمد : والدتك سافرت لك ..

سالم : اخواتى الأعزاء ...

أحمد : اخواتك سافروا لك ..

سالم : والدى العزيز أنا بخير والحمد لله وفى تقدم مستمر فى الدراسة ...

أحمد : الحمد لله ..

سالم : والدى العزيز أحيطك علماً أننى قد أقبلت على خطوة كبيرة أرجو أن لا

تغضب منى ...

- أحمد** : عملت أياه أكيد عملت حادث ...
- سالم** : لا يا والدلا تفزع المشكلة ... بسيطة ...
- أحمد** : عملت أياه ...
- سالم** : لقد تعرفت على فتاة جميلة طيبة أمريكية ...
- أحمد** : هه ...
- سالم** : ولقد عرفتني بأهلها وتعمقت العلاقة بيننا فقررنا الزواج ...
- أحمد** : (يقف أحمد) زواج ...
- سالم** : أعلم أنك ستغضب وأمي ستغضب أكثر ...
- أحمد** : دى أمك ح تتجنن ... وبنت خالك إالى خطبتها لك دى أمك حتخنفك إنت وهى ... إمك سافرت مش هنا ...
- سالم** : سامحنى يا أبى ... سامحنى وستعجبكم جانبيت بمشيئة الله ...
- (يغلق أحمد الرسالة وهو يضحك) ...
- أحمد** : دى أمك راحت لك علشان تحدد ميعاد فرحك على بنت خالك ... أنا جعان عايز أكل وهو يمسك بطنه ...
- (يتجه إلى الثلاجة) ...
- (يدندن بأغنية ... يفتح الثلاجة ... يخرج إليه طعام مطبوخ ... يشم الطعام بفرح ... يضع قليلاً منه على البوتجاز وهو يكمل الأغنية ... يضعه فى الطبق ... يخرج من الثلاجة برتقالة وخس أخضر ... يجلس على مائدة صغيرة فى المطبخ ليأكل) ...
- أيه دا ... الأكل حامض ... طيب إزاي ...
- (يشم الحلة جيداً الله دى الحلة ... كدة يا زينب مش قلت لك خلى بالك الله بس دا حمض إزاي ... إذا كانت هى طبخة ونضفت الثلاجة وقالت لى حط فى الثلاجة ... وحطيت الكل) ...

(يفتح الثلجة ... يخرج باقى الأوانى يشمها ... يمسك آنية أخرى ...
الله دا كمان باظ .. ودا إسمه كلام ... لما أشوف غيره " يشم " ودا كمان باظ
له هى .. الثلجة خسرانة والا أيه أكيد الثلجة خسرت درجة الحرارة فوق
الأربعين .. النهاردا أكيد مفهاش غاز .. والا الكهرباء مقطوعة عنها ...
(يمسك زجاجة المياه) ...

الله دى المية كمان سخنة ... أكيد وكالة الثلجات ضحكت علينا ... أنا
عارف الصنف ده كويس تعالى أشتري ... تعالى أشتري ولما تشتريها وتوصل
للبيت تلاقيها تعبانة ..

(يتحسس الثلجة ... السلك ... يمد يده فجأة على كبس النور وادى زرار
النور ... يفتحه ... يضاء مصباح الثلجة يضرب يده برأسه ...
الله دى الثلجة نورت ... أخ ... صحيح دى زينب قالت لى ماتتساش زرار
الثلجة طيب وبعدين أنا لازم أتعشى ... أنا حاسس بالجوع (يجرى إلى
الصالة) ...

(جرس الهاتف ... يتجه أحمد للهاتف) ...
ألو ...

(يسمع ضحكات وقهقهات) ...

صوت : ألو ... حلو ...

الهاتف

أحمد : مين إالى بيتكلم ...

صوت : أنا يا حلو ...

الهاتف

أحمد : انت مين وعاييز أيه ومين ...

صوت : عاييز سلمى ...

الهاتف

- أحمد** : مافيش حد هنا اسمه سلمى ...
- صوت الهاتف** : عايز عمك سلمى يا غبى ...
- أحمد** : عيب يا قليل الأدب حسن ملفظك ...
- صوت الهاتف** : أنا ملفظى أحسن من ملفظك يا غبى ...
- أحمد** : أنت إالى غبى وستين غبى ...
- أوف ... قلة أدب صحيح ...
- (يغلق السماعة ... جرس الهاتف مرة أخرى ... يرفع السماعة) ...
- أحمد** : باين عليه مش ناوى يجبها البر الليلة دى ...
- ألو ...
- صوت الهاتف** : ماتقفلش السماعة لما أكلمك ...
- أحمد** : اللهم طولك يا روح ... عايز أيه يا بنى آدم ..
- صوت الهاتف** : عايز سلمى ... أنا عارف إنها جنبك ... وزعلانة منى ... يلا ي اصبى ...
- أحمد** : يادى سلمى إالى طلعت لنا الليلة دى ...
- صوت الهاتف** : والله مانا سايب التليفون إلا لما تتدها ...
- (يهرش فى رأسه وكأنه وصلت إليه فكرة) ...
- أحمد** : سلمى خرجت عند أمها ...
- (بيكى من يتحدث فى الهاتف) ...
- صوت الهاتف** : سلمى ماتقدرش تطلع ... ماتضحكيش عليا .. سلمى مريضة ... مشلولة ...
- مشلولة ... ماتقدرش تمشى ...
- أحمد** : قصدى راحت تنام مع امها ...
- صوت** : ماكنتش قصدى أعمل كدة ...

الهاتف

أحمد : يادى الليلة إالى مش فايئة ...

صوت : أنا عارف أنت أخوها محمد ...

الهاتف

أحمد : (بقرف شديد) مضبوط ... خلاص ... أنا ح أقولها إنك إتصلت ...

صوت : قولها جوزك عبدالله ندمان ...

الهاتف

أحمد : أنت جوزها ...

صوت : أه عبدالله ...

الهاتف

أحمد : عيب يا عبد الله دلوقت فى ساعة زى دى وأنت عارف إنها ماتقدرش تمشى

...

صوت : ماكنش قصدى ... الحادث غصب عنى ...

الهاتف

أحمد : خلاص انا مسامحك ...

صوت : وهى ...

الهاتف

أحمد : وهى مسامحاك ...

صوت : لكن أنا مش مسامح نفسى ...

الهاتف

أحمد : ياسيدى إحنا مسامحينك ... أما إذا كنت مش مسامح نفسك وانت حر فيها

...

(يضع السماعة) ...

أحمد : أوف عمل الحادث ومش مسامح نسه وهى مراته وعمال يتصل بيها وبأخويا

محمد ...

(یرن جرس الهاتف مرة أخرى ... یرفع أحمد السماعة) ...
أیوة ...

صوت
الهاتف : أسمع یا محمد ...

أحمد : أنا مش محمد ... أنا أحمد

صوت
الهاتف : فین سلمی ...

أحمد : یادی سلمی إسمع یا حضرة أنا أحمد سلیمان وما أعرفش سلمی ولا أعرف
محمد ...

صوت
الهاتف : أنا مش مسامح نفسی ...

أحمد : أنت حر ...

صوت
الهاتف : ماهو أنا ح انتحر بعد نص ساعة ...

أحمد : (بضیق وقرف) انتحر ...

یغلق سماعة الهاتف ... ثم ما حدث یدرك ما حدث یرفع السماعة) ..

أحمد : معقولة ... الراجل حینتحر ...

ألو ... ألو ... یا جوز سلمی ... کلمنی کلمنی ... اسمع ماتتتحرش ... انت
بنتکلم منین ...

(یضع السماعة) ...

الله هو أنا بکلم نفسی ... والا أيه ... الجدع دا یا مجنون یاما حیتجنن ...
أکید شارب حاجة طیب أنا مالی ... ومال الحکایة دی ... أنا مالیش دعوة
باللی بیحصل بأه أنا جعان ...

(یتجه إلى المطبخ ... جرس الهاتف ... یرجرى یرفع سماعة الهاتف) ...

ألو ... أیوة یا محمد ... أیوة إسمک أيه ...

صوت
الهاتف

: سلمى ...

أحمد

: أيوة ... أنت اسمك سلمى أيه ...

صوت
الهاتف

: عبد الله ...

أحمد

: أيوة محمد يا عبد الله ...

صوت
الهاتف

:

أحمد

: سلمى نامت ومش ممكن أصحيتها دلوقت ...

أحمد

: أيوة يا محمد عبد الله ...

صوت
الهاتف

:

سلمى نامت ومش ممكن نصحيتها دلوقت وأنت عارف إنها تعبانة ومش ممكن
أصحيتها وأتعبها والله والله احنا كنا من تلت ساعات ... مش حتصدق كانت
كانت بتجيب سيرتك بالخير أى والله ... بتتكلم منين ... من البيت ... اسمع
الموضوع ده ببساطك ... مش بسيط ليه عارف طبعاً يوم الحادثة ... هو دا
يوم يتنسى بس كل شىء راح لحالة خلاص .. لا .. ليه هه ... ما أنا عارف
إنك كنت سكران ودا حصل غصب عنك ... شفت دا نتيجة الإستهتار يا
عبد الله ... لا ... أنا ...مش بوعظك بس ... إسمع ماتقفلس السكة ...

(ينظر أحمد للسماعة) ...

قفل السكة غبى ... أنا كنت بساعده لحل مشكلته ... كان سكران وسابق
العربية عمل حادثة ... كانت النتيجة إن مراته إنتشلت ... زقعدت فى البيت
أخوها محمد وهو دلوقت سكران تانى بيفكر فى الإنتحار ... مضبوط عما
ليتصل بيها ... ٤٦٥٤٧٣ دى نمرتى يبقى أكيد هى نمрте ٤٦٣٥٧٣ أحاول
أتصل بأخوها محمد ويمكن تيجى النمرة ...

(يحرك الهاتف والأرقام ... يرفع السماعه)

ألو ... مساء الخير ٤٦٣٥٧٣ مطبوط ... محمد موجود ... محمد مين
محمد أخو سلمى أنا من طرف عبدالله جوز سلمى ... هه ... طيب طيب
النمرة غلط ... وأنا مالى ...

(يضع السماعه ... يتجه للثلاجه) ...

(يخرج تفاحه وبرتقاله) ...

أيوة أحسن حاجة البيض سريع ومقلى ... ما أنا قلت لها تسبب الخدامة
مارضيتش يعنى كل حاجة دلوقتى ... كل واحد بيفكر فى مصلحته فعلاً حتى
أنا نسيت محمد وسلمى ما يمكن النمرة ٤٣٥٧١ ... أحاول ...

(يمسك الهاتف ويحرك القرص) ...

ألو ٤٦٣٥٧١ ... أيوة محمد خرج ... صح صح النمرة ... طيب سلمى
موجودة ... نايمة والنبي صحيها ... تقوليلها مين ...
(يهرش فى رأسه) قوليلها الدكتور أحمد سليمان أيوة ... أرجوكى
بسرعة ... الحمد لله الحمد لله ... طلعت النمرة صح ... أنا قلت أكيد النمرة
كانت غلط ...

(يترك سماعه الهاتف جرس الباب ... ينظر من العين السحرية ...)

جارنا راجل حشرى وكلامه فى الهايفة مش فاتح له ...

(يتذكر) التليفون ... (جرس الباب) مش فاتح ...

التليفون سلمى ...

(يجرى للهاتف فى الصالة .. يقف أحمد يمسك الهاتف) ...

أيوة ... ألو ... ألو أيوة ... أنا الدكتور نعم بتقوللى أيه .. ماتعرفش حد
بالإسم دا ... لا أرجوكى خليها تكلمنى ضرورى ... أكيد هى ناسية الإسم
... أرجوكى أرجوكى ... شكراً ...

(ينظر على الأرض يجد ساعة ملقاه يترك الهاتف ويمسكها) ...

ساعة لسة شاريها للبننت منى بثلاثين جنيه مابقلهاش عشرة أيام ... تترمى على الأرض كدة وتتكرس ... هو إحنا بنلاقى الففلوس ... دا الواحد بيتعب بالفلوس لدرجة مابيعلمهاش إلا الله ...

أحمد

: (يتذكر ... يعود للهاتف) ... التليفون ألو ... أيوة ... قفلوا السكة إتصل تانى ... ٤٦٣٥٧١ ألو ... مساء الخير أنا الدكتور أحمد سليمان ... محمد موجود ... لا طيب ... سلمى صحيت مين إالى بيتكلم سلمى أهلاً يا سلمى أنا الدكتور أحمد سليمان .. أيوة بعالج جوزك عبدالله ياسلمى ماتتفعليش ... ماتتقليش السكة أرجوكى ... عبدالله محتاجك ... عبدالله جوزك ويحبك ... بس إسمعيني كل واحد فينا له عيوبه ويحاول يصلحها ... أيوة عارف إنه السبب ... وعارف إنه كان سكران وهو بيسوق وإنتي جنبه ... إسمعى يا سلمى ... جوزك بيتعذب دلوقتى ... حاسس إنه غلط فيكى يأخذ الفرصة ويصلح غلطته وأكد إنتي محتاجة لحجد جنبك دلوقتى يساعدك ... براعيكى ... أخوكى محمد لو ... إستحملك الشهر ده ... الشهر الجاى مش حيقدر ... أيوة كل واحد فينا وله همومه الوحيد إالى حيشيل همك وكأنه شايلى ريشة نعام هو عبد الله جوزك ... لأنه حاسس إنه مسئول عن ده ... اديلوا فرصة تانية ... فرصة يعيش ويتبرأ من ذنبه من ظروفه إالى عاشها ... أرجوكى إتصلى به دلوقتى أحسن هو بيفكر فى الإنتحار وإنتي الوحيدة إالى تقدرى تقفى جنبه أه ... هو موجود بالبيت دلوقتى مع السلامة ...

(يضع السماعة ... يشعر بإرتياح ... جرس الهاتف)

وانا مالى

ألو ... أنا الدكتور أحمد قصدى أحمد سليمان مين إالى بيتكلم ... عبد الله كويس إنك إتكلمت ... صوتك إتغير ... إسمع سلمى حتكلمك دلوقتى ... سلمى مين انت مش عبدالله ... جوز سلمى ... عبد الله مين عبد الله خليل ... عبد الله خليل مين مندوب شركة الأبحاث العلمية ... أيوة ... مش فاك

شفتك ... أه ... أه

لما كنت مع سرحان أبو الذهب ... جيت لمكتبي ... وقعدت معايا وشربت
قهوة بمكتبي ... أهلاً وسهلاً ... أى خدمة نعم عايز تقابلنى أهلاً وسهلاً
إنفضل الصبح فى مكتبي ... عايز تزورنى فى البيت ... بخصوص ايه ...
نعم ... لا ... يا أخى أنا مابتكلمش مع حد إلا عن الشغل ... إلا فى الشغل
... وأحب أعرفك إن سرحان أبو الذهب إالى انت بتشتغل عنده مش صديق
ولا حاجة ولا صاحبي أيوة دا كان زميلى فى الإعدادية بس ... وماشفتوش
من خمستاشر سنة يعنى العلاقة الإنسانية بينا ... لا صداقة ولا قرابة حتى لو
كانت فيه صداقة أو قرابة مايهمناش سامع .. أنا لا يمكن أفتح ظروف
المناقصات بتاعة الشغل ولا أبيع أسرار الشغل مهما كان الثمن سامع مهما
كان التمن (يخلق السماعه) ... أوف ... الناس إتجننت فكرة إنى أبيع
أسرار شغلى .. دا مجنون أكيد .. دا انا عارف أنا بعمل ايه كويس ...
(يتمدد أحمد على السرير وهو يأكل ... تفاحة فى يده ينظر إلى جهاز الفيديو
فى غرفة النوم ... يمسك ريموت كونترول ويشاهد فلم كوميدى ... فى نهايته
(شفت الفلم دا مرتين ...
(يخلق الفيديو بالريموت كونترول ... جرس الهاتف ... يرفع السماعه) ...
ألو ...

(صوت ضحك بعض الشباب يهرج)

ماعندكوش ... شغل معندكوش واحد غيره تتسالوا عليه الليلة دى ..

(الضحك يزداد فى الهاتف ... يضع السماعه)

الواحد مش عارف الأولاد دول ينحرفوا ليه .. مسئولية مين ...

(يفتح مسجله بجوار السرير يجد مذابح صبراً وشتيلاً وصور الجثث يتركها
ويمسك الجريدة يقرأ فيجد العناوين سيارة ملعومة تتفجر فى بيروت الضحايا
٥٦ شخصاً ... يفتح المذياع) ...

المذيع

: ما زالت اصداء مذبحة صبرا وشاتيلا تهز ضمير العالم المتمدين ... أعلن
متحدث رسمي فى بيروت أن ضحايا بيروت اليوم ٥٦ شخصاً بسبب سيارة
ملغومة .. قد انفجرت ...

(بخلق الراديو) ... يقف يتجه للصالة مرة أخرى ...

(يتجه إلى الرفوف يفتح كتاب شعر يجلس على المكتبة ... يقرأ الشعر) ...

: بيتنا الذى كان يقطن على صفحة النهر ومن سقفه المتداعى يخطر الأصيل
والزنبق الأحمر ...

هجرت يا ليلى ...

وتركت طفولتى القصيرة ...

تذيل فى الطرقات الخالية ...

كسحابة من الورد والعفار ...

غنى لتساقط الشتاء فى قلبى ...

وتقتل النزعات من الأسماك والصفائر الذهبية ...

(صورته على المكتب تخرج دخاناً وكأنها روح تتحدث ويشار إليها ، أحمد

ويمكن أن يستخدم صوت بلاى باك لنفس الممثل ... أو إستخدام سينما أو

تصوير فيديو أو خيال الظل) ...

: وأجهش ببكاء حزين على وسادته ... أحمد ٢

: وأنا أراقب البهجة الحديثة ... أحمد

(يقرأ احمد مع أحمد ٢ معاً) ...

: (يصمت أحمد) أكمل يا أحمد ... أحمد ٢

: أكمل أيه ... أحمد

: خايف ... أحمد ٢

: خايف من أيه ... أحمد

: منى ... أحمد ٢

- (يقف بعيداً عن النافذة) ...
- أحمد** : وأخاف منك ليه ...
- أحمد ٢** : من أحرمك ...
- أحمد** : أحلامى ...
- أحمد ٢** : إنك تكون شاعر ...
- أحمد** : دى كانت أيام ... المراهقة لما كنت بكتب شعر ...
- أحمد ٢** : لحد انهاردا بتحاول تهرب من الشاعر إالى فى نفسك ...
- أحمد** : دى مرحلة قديمة ما أنا حلمت إن أخويا طيار وأسوق طيارة وأشوف الدنيا من فوق السحاب وماحصلش ...
- أحمد ٢** : حتى أمك كان نفسها تبقى مليونير ...
- أحمد** : أنا مستور والحمد لله ...
- أحمد ٢** : وأبوك كان نفسه إنك تكون ظابط كبير ...
- أحمد** : (وهو يضحك) ما أعرفش فى الحرب ...
- أحمد ٢** : أخوك عايز يسافر لندن يكمل تعليمه ...
- أحمد** : أنا قلت له يكمل تعليمه هنا أحسن ...
- أحمد ٢** : عايز تساعده ...
- أحمد** : أمى عايزة بيت جديد ... وأبويا عايز عربية وأخويا عايز عربية وأخويا عايز يكمل تعليمه فى لندن وعايز فلوس وأختى عايزانى أساعد جوزها ... ومراتى عايزة أأمن مستقبل العيال ومستقبلها ...
- أحمد ٢** : وأنت عايز أيه ...
- (أحمد يمسك رأسه) ...
- أحمد** : دا السشوال إالى ماحدث سألته لنفسه أبداً ... ماحدث منهم سأل نفسه السؤا لذا ... الكل بيقول هات ... هات ... ماحدث بيعد ايدى فى جيبه ويقول خد ... أنا بقى عندى خمسة وأربعين سنة ومحتاج استريح شوية من المشوار

نفسى أخذ نفس لكن لا ماحدش ببسأل نفسه أحمد سليمان عايز ايه ... أم
أحمد سليمان عايزة تسكن فى بيت جديد وأبو أحمد سليمان بيقول ... إن إبنه
مدير المشتريات فى الشركة يعنى لازم يركب عربية تليق بيه هو ... وأخو
أحمد سليمان عايز يسافر لندن ... وأخت أحمد سليمان عايزة جوزها يلاقى
فرصة يحسن وضعه ومرات أحمد سليمان عايزة تتاجر زى فلانة وفلانة إالى
كانوا زمايلها وساكنين معاها فى حى واحد ... يا سلام ...

أحمد ٢ :

وانت عايز أيه ...

أحمد :

ما بقتش عارف أنا عايز أيه مش لاقى نفسى ...

أحمد ٢ :

يا خايب ...

أحمد :

فعلاً أنا خايب ... طيب قولى أعمل ايه ...

أحمد ٢ :

اكتب شعر تانى ...

أحمد :

انت بتحلم دا أنا بعدت عن الشعر وإذا كتبت ح اكتب عن أيه وأنا محاصر

بميت فكرة خايبية وميت طلب ...

ينظر إلى صورة زوجته ... يشير إلى صورة زوجته ... صوت زوجة زينب (

...

زينب :

الثلاجة فاضية ... ما عندنا خضار ولا فاكهة ... ما بقى إلا حبتين يرتقال

عايزينك تنزل سوق الخضار تشتري فاكهة أى فاكهة طازة ... وكمان تشتري

شوية خضار أيوة ومتساش قسط العيال للمدرسة ...

أحمد ٢ :

يعنى إستسلمت ...

أحمد :

مش قادر حتى أقعد كل يوم أقرأ ساعة فى الشعر او قصة من القصص ..

اتحولت إلى آلة خايبية كنكة اسمها المجتمع ...

أحمد ٢ :

تفتكر إنك فى يوم فكرت تكون نجم من نجوم المجتمع ...

أحمد :

كنت مراقب ...

أحمد ٢ :

كل حاجة تقول إنك كنت مراقب مراقب ... هو النضج عندك تسبب أحلامك

وتتنازل عنها كل يوم شوية شوية ... وتتحول إلى موظف من غير طموح ...

أحمد : أنا من عيلة بسيطة يعنى ما أقدرش أتحوّل إلى شيء غير إني أفضل زى ما أنا ...

(ينفجر أحمد ٢ فى ضحك وسخرية منه)

أحمد : بتضحك على أيه ...

أحمد ٢ : عليك ...

أحمد : ليه .. فى شكلى حاجة غلط ...

أحمد ٢ : أيه إللى صح فى شكلك ...

أحمد : مالى ...

أحمد ٢ : بقيت أصلح ... فين شعرك بتاع زمان ... وبقي لك كرش ...

أحمد : دا مش ذنبي ...

أحمد ٢ : (ينفجر ضاحكاً) بقيت تحلق شنبك خايف الشعر الشايب فيه ...

أحمد : (يحاول التبرير منه) التطور ... ليه ما بتقولش التطور الموضة ...

أحمد ٢ : تفكر إنك ماشى على الموضة ...

أحمد : طبعاً ...

أحمد ٢ : وإبنك إللى فى أمريكا ...

أحمد : ماله ...

أحمد ٢ : زعلت لما لبس زى مايكل جاكسون ...

أحمد : دى مش موضة دى مسخرة ...

أحمد ٢ : سفرته ليه ...

أحمد : عشان يتعلم ويأخذ شهادة ...

أحمد ٢ : لا ... الكلام دا تقوله لحد تانى ...

أحمد : وديته أمريكا عشان استريح من مشاكله لأنه كبير وبدأ يعمل مشاكل ...

أحمد ٢ : يعنى مش قادر تتحمل مسئوليته ...

- أحمد** : أعمل أيه ... والا أيه ... كله عايز ... أنا مش مسئول عن كل دا ...
- أحمد ٢** : أmaal زمان كنت بتقول (صوت ضحكة عالية) ...
- أحمد** : دا كان زمان ... بتضحك على أيه ...
- أحمد ٢** : بضحك طبعاً عليك ...
- أحمد** : حتقول شكلك تانى ...
- أحمد ٢** : لا ...
- أحمد** : أmaal على أيه ...
- أحمد ٢** : على الحالة إल्ली وصلت لها ...
- (يقف أحمد ٢ فى مواجهة ... يصدم أحمد)
- أحمد ٢** : ومبادئك القديمة ...
- أحمد** : تاهت منى ...
- أحمد ٢** : ليه ...
- أحمد** : احنا فى زمن التصالح ... الوفاق الدولى ... بين القوتين العظيمتين ...
- أوريا بتصدر لها النفط والمواد الخام والقطن والمانجنيز ... الحديد والفوسفات ...
- تدينا الفلوس وترجع تاخدهم تانى مننا لما نشترى سلاح بيهم من الحرب العالمية الثانية لحد دلوقت كام حرب قامت بينا وبين بعضنا وبيننا وبين الأعداء وكام حرب حصلت بين أى دولة أوربية وواحدة تانية مفيش ... هما ما عندهم مش حروب الحروب عندنا بس ...
- أحمد ٢** : يعنى إتنازلت ...
- أحمد** : إبنى إल्ली عنده عشر سنين يعرف مايكل جاكسون وما يعرفش صلاح الدين الأيوبي ولا طارق بن زياد ولا تاريخ بلده ولا أى بلد عربية ... مش دى مصيبة ...
- أحمد ٢** : يعنى ما عدتش تحلم بالوعى الإجتماعى ...
- أحمد** : أنت جاي تحاسبني عن زمان ... ليه حاسب العالم كله احنا فى زمن

الستينات احنا كنا بنشترى راديو ترازستور وتتلّم العيلة علشان تسمع عبد
العناصر ... دلوقتى فى مسجل وفديو وتليفزيون ملون وكمان ماحدش بيهتم
يسمع إلا نفسه ... ولعدوية والديسكو ... أنا مانتزلتش عن أحلامى أنا بقيت
فى عجلة المجتمع ارس ... ترس .. زى أى حاجة ... عن إذك ...

أحمد : إستتى ...

عايز أيه ...

أحمد ٢ : تفكر ولادك حيكونوا أحسن منك ...

أحمد : مش عارف ... بس بحاول أخليهم أحسن ...

أحمد ٢ : تفكر إن أبوك مش له حق يحلم بسيارة كبيرة ويصبغ شعره ويحس إنه شاب
...
أحمد : له حق ...

أحمد ٢ : وامك مش لها حق تحلم بفيلا ...

أحمد : لها حق بس منين ...

أحمد ٢ : اضرب ضربة العمر ... تبلغ عن العطاء لشركة أبو الذهب وتأخذ عمولة ٨٠

ألف دينار تشتري الفيلا والسيارة وتعلم أخوك وتأمين مستقبل أولادك ...

أحمد : بس دا حرام ضميرى مايسمحش ولا أسمح لك ولا لأى حد يشدنى للتنازل ...

(صوت تصفيق)

أحمد ٢ : برافو ... برافو ... لو قلت غير كدة ... كنت قلت إنك ضعيف ...

أحمد : ما أنا ضعيف فعلاً ...

أحمد ٢ : يا خايب ...

أحمد : أنا عارف إنى خايب وعارف إنى ضعيف وإنى تهت عن كل شىء حلو فى

حياتى ... اتحولت لحصالة ياخدوا منها إالى عايزينه ... شنطة شايلة فلوس

كل واحد من العيلة عايز منها شوية لكن مشاعرى طز أفكارى طز ...

أحلامى طز ... حتى أنت جاي تحاكمنى ...

(ينظر لا يجد أثراً ولا للصوت ... يطفىء ضوء غرفة المكتب ويخرج) ...
(يخرج إلى الصالة يجد امامه صورة زوجته) ...

أحمد : انتى السبب ... اتجوزتك علشان تساعدنى أطلع لفوق ... علشان أكبر ...
علشان حلمى يتحقق ... علشان أبقى شىء كبير ... بقيت موظف ...
موظف كبير بدل ما أبقى شاعر بقيت أمين على الشركة ... بدل ما أبقى ليا
صوت للعالم كله ... بقى صوتى بين جدران الشركة والبيت ... ياه ... لكن
أنت برضه مظلوم ... اتلمت ليه ايه ... تقرى وتكتبى وتسوى الأكل ... ما
حد علمك شىء عن حق الحياة ... عن الفشل ... عن النجاح ... عن
الكفاح ... فتحتى عينك لقيت كل شىء موجود ... واليوم إالى المدرسة قالت
لك اكتبى ... موضوع إنشاء عن أسرة فقيرة ... كتبتى كانت هناك أسرة فقيرة
... وخادمتهم فقيرة وطباخهم فقير ... وسواقهم فقير ... وحارس الفيلا فقير
ولما أبوكى خسر كل فلوسه ... اتجوزتيني وأنت واعية أن العالم المحيط
حواليك أخفى الحقيقة تماماً عنك ولما تزوجت اختلط عليك كثير من الأمور
وعاش كل منا فى عالم خاص به ...
(يمسك صورة ابنه الصغير) ...

أحمد : أنت بتحبنى يا على ...

على : أيوة يا بابا ...

أحمد : سيب التلفزيون وتعالى اتكلم معايا هنا شوية ...

على : يا بابا ... دا برنامج حلو قوى ...

أحمد : يابنى بتحب التلفزيون قد كدة ...

على : أيوة ...

أحمد : بتحب التلفزيون أكثر والا بابا أكثر ...

على : التلفزيون يا بابا ...

أحمد : التلفزيون يا على ...

على

: أه يا بابا طبعاً ...

(يحدث نفسه بصوت مرتفع)

أحمد

: ييحب التليقزيون أكثر من أى شىء تانى ... شىء غريب ... كل شىء

تحول إلى تانى ... عطف الأب ... علاقة الأب بالأبن ... علاقة الأبن

بالتكنولوجيا ... دماغى (أحمد يقعد على مقعد) أيه دا صرصار ... (

يمسك الحذاء ويحاول يضرب الصرصار ولا فائدة لا يتمكن)

أحمد

: حتى انت بتهرب منى ... أكيد أنت بتتحدانى وأكيد سايب وراك حشد من

أولادك ...

(يدخل فى خناق مع الصرصار ومطاردة بين الكراسى وبين الفوتيهات ويفشل

فى ضربه ويلهث) ...

فشلت باني أقتل صرصار ... أيوة لو قنته ماكنش ح أقضى أو أنهى قبيلة

الصراصير أنا عارف إن إمبراطوريات الصراصير تعيش فى المصارف وإن

رواد المنازل ما هم إلا بعثات إستكشافية أو مجموعة من الصراصير المنفية

من شعب الصراصير وما دمت منفى وشكلك كدة روح شوف مصلحتك مع

السلامة ...

(يشير إلى الصراصير الصرصار إشارة ... نظر إلى زهرية يكتشف أنه غير

مهذب) ... قلت لك ميت مرة يا زينب الزرع لازم تهتمى بيه الزرع كائن حى

... حساس ... ينمو ... الناس بره بتسمع الزرع موسيقى واحنا مش عارفين

حتى نسقى الزرع ونراعيه ... أيه إللى بنعمله صح وأييه إللى ما بنتعلموش

غلط ...

(جرس الهاتف ... يجرى للصالة ... يرفع السماعة) ...

ألو أيوة مين عبد الله أنا محمد أيوة أخو سلمى ... أنا اتصلت بيك مش لقيتك

كنت فين ... بقولك أيه سلمى حتكلمك ... أيوة هى وافقت أنا ح أندها ... يا

سلمى ياسلمى ... بقولك أيه وبعد شوية اتصل بيها ... هى النمرة ٤٣٦٥٧١

... أيوة افكر ٤٦٣٥٧١ ماتنساش أيوة ... وهى حتكلمك ... مع السلامة ...

(يضع السماعة ... جرس الهاتف مرة أخرى ...)
٤٣٦٥٧١ يا غبى ... أسف يا بابا أيوة ... أيوة العيال سافروا ما أعرفش ...
لا ... أه ...

إنشاء الله بكرة ... مش عارف ... أكيد حيثصلوا ... أيوة ... أهلاً ... يا
ماما أنا كويس ... أيوة حتغطى كويس بالليل وانا نايم ... ماتخافيش ... أنا
عارف لسة متعود على النوم من غير غطا ... أيوة ... يا ماما ح أخذ الدواء
بتاع الحساسية ... أيوة أهه ح أخذ الدواء ... أهه ... إن شاء الله ... (يمد
يده على دواء الحساسية الذى يضمه على أنفه) أنا كويس ... كويس ... مع
السلامة ...

(يضع السماعة ... يدندن بأغنية) ...
(يأكل بعض المكسرات وهو يمدد ساقيه ... جرس الهاتف يرفع السماعة)
...

أيوة ... مين ... أبو الذهب ... أهلاً وسهلاً ... نعم خير ... تشوفنى ليه
خير إن شاء الله لا ... أداً ...

(أحمد يظهر على وجهه الإستياء والقرف مما يدور من حديث) ..
يقول يا أبو الذهب بتتصل بيا فى ساعة زى دى علشان تقولى عايز أكلمك
فى موضوع اى موضوع بخصوص الشغل تكلمنى فيه فى الشغل ... أيوة نعم
بقول أيه ... أنا حر هه أنت بتشتمنى يا أبو الذهب ... هه ... حسن
ملفظك ... انا مايهمنيش حد أنا كل إللى يهمنى هو ضميرى ... لا أنت ولا
محاسيبك وأتباعك ... مع السلامة ...

(يضع السماعة ... يشعر بالإستياء والقرف ... يقف ... يغلق الفيديو ...
يفتح النافذة يستنشق الهواء) ...

أيه يازمن كل شيء بيتغر ... كل شيء بيتلوث ... التلوث ... جاي من كل
ركن من أركان العالم حتروح فين يا أحمد وحتروح فين من الزمن دا ...
(يدير ظهره للنافذة والشارع ... داخل منزله فيكتشف أنه أمام صورة أبيه)
... أيه بتبص لى يا بابا ... ليه ... يا بابا علمتتى كل شيء حرام كل حاجة
عملتها لى عايزك تنزل الشارع دلوقت تشوف كل شيء اتغير ... الناس كلها
... اتغيرت ... زمنك غير زمانى ... حتى أنا مش عارف ... الصبح فين
إلى علمتهولى زالا الناس ماشية فيه ... الحقيقة فين مش عارف ...
(يسمع أذان الفجر من بعيد ...) ياه الفجر أذن ... ويوم جديد ... الظاهر
مفيش فائدة لازم أقدم على أجارة وأسافر مع العيال أفضل ...
(يقف ويخرج حقيبة السفر ويعد ملابسه من الدولاب) ...
(ستار وهو يعد ملابسه) ...

" انتهاء "

